

中華民國郵政局特准掛號認爲新聞紙類

中 華 民 國 三 年 四 月 廿 五 號
湖 南 官 書 報 局 印 行

湖 南 政 報

本報價目

一本報按照陽歷每日出報一本
一分每分每月收回大洋六角
一零售每分銅元三枚

一外埠購報郵費以購報之多寡酌加
一夫役送報如有遺漏請即函告以便補發

印刷 學院街官書報局印刷課
發行 文運街官書報局總發行所

湖南官書報局廣告

啓者本局官紙處製出官紙印刷極精取價極廉已呈由 都督兼民政長通令各機關來局購用在案查本局印製各種官紙概由本局官紙處收發課及文運街總發行所出售並無委託商店代銷情事倘各商店有售賣本局製造之官紙者即係假冒射利一經查覺定即呈請都督兼民政長嚴懲不貸恐未週知特此登報宣告

目錄

命令

大總統令 京電

都督兼民政長令

指令湘鄉知事 呈覆王課等呈控王松年即王大齡等盜賣強開一案糾葛情形由

指令保郵事業管理局 仰呈各善堂情形仰即酌量辦理由

訓令公立蠶業講習所 轉飭培桑局免收女子蠶業講習所採取桑葉價值由

指令永興縣知事 呈覆縣令張貼布告并抄發該縣教育會議定取締私塾促辦小學規章一合請察核由

指令衡陽縣知事 呈明該縣女子師範學校廣續辦理緣由并查該校校長余賀瑩履歷請察核由

指令南路鑛山監督署長 據呈復查明黃篤謚實無私借日債及黃興附股情弊既經查明自應准其銷案由

指令瀘溪縣知事 籌設女工紡織傳習所呈簡章飭切實舉辦隨時呈報由

指令衡陽縣知事 據呈覆取銷南路實業工藝局並呈繳鈐記飭知核銷由

訓令 沅江 縣知事 據漢壽劉鈞欽等呈白駝寺地方一案由

指令 江華 縣知事 據呈限取銷江道木捐局日期飭將收支款項會同逐一清釐具報由

訓令前清釐裁併土木工程局委員 以辦事不力損壞機件應責成負責賠償由

指令湘鄉公立連璧高等小學校 呈該校開缺學生劉鑒等猖獗情形請核示辦法由

指令湘鄉縣知事

呈復遵辦學務情形一案並附費學務委員

指令湘鄉縣知事

呈復查勘天心塘等處鑛山情形

指令寶慶縣知事

據轉呈該縣商會擬請撥貨抽捐藉維公益等情擬難照准由

公電

中央來電

籌備約法會議事務處致各省都督民政長電

公文

都督兼民政長呈

內務部

奉令遵費譚同勛績文

都督兼民政長呈

內務部

據長沙知事呈報陳文瑋捐贊文

都督兼民政長致國稅廳籌備處

奉額為定並安暫行章程

公函

呈批

都督兼民政長批

批祁陽黃國棟等呈請令飭該縣將自治會撥用之教育金如數劃還由

批民人楊文貴呈為寄託難移懇恩央緩由

批常德戴湘誠趙澤南等呈為害鉅情迫繪圖指撥由

命令

大總統令

電京

王佐良謝宗夏楊懋卿均給予七等嘉禾章此令
任命管雲臣爲通海鎮守使此令

文華授爲陸軍少將此令

任命葉樂民爲陸海軍會計審查處處長此令

陸軍總長段祺瑞海軍總長劉冠雄呈請任命王大中爲陸海軍會計審查處第一科科長王世義爲陸海軍會計審查處第二科科長陳俊爲陸海軍會計審查處第三科科長吳廣啓爲陸海軍會計審查處第四科科長馮福長爲陸海軍會計審查處第五科科長郭幹卿爲陸海軍會計審查處第七科科長郭則涯爲陸海軍會計審查處第八科科長應照准此令

陸軍總長段祺瑞呈請任命王志剛爲安徽都督府副官長劉乃克爲安徽都督府軍務課課長陳旨章爲安徽都督府軍需課課長周連傑爲安徽都督府軍醫課課長沈瑞蘭爲安徽都督府軍法課課長應照准此令

陸軍總長段祺瑞呈請將西藏戰事出力之雷鴻藻廖式懷趙本立譚詩張文華均授爲陸軍步兵少校郭建勳授爲陸軍騎兵少校應照准此令

陸軍總長段祺瑞呈稱審明趙恒惕陳復初江雋在湘省獨立時陰謀助亂一案趙恒惕身統

重兵竟敢與國軍衝突致斃兵士四名陳復初通電各路勸告叛立江雋掌管機要於都督府發生扣留船隻之事竟不阻勸並敢殘毀重要文卷圖滅罪迹皆爲內亂罪之執行重要職務者惟按其心術及事實不無可省擬依律減等各處以三等有期徒刑四年并自宣告之日起七年均褫奪公權全部江雋所補軍官前已褫奪趙恆惕所補之陸軍少將陳復初所補之陸軍騎兵上校請一併褫奪等語趙恆惕等身爲軍官竟敢陰謀助亂實屬罪有應得應卽如擬交該部分別辦理以肅軍紀而示薄懲此令

代理國務總理孫寶琦呈據蒙藏事務局轉據哲盟扎薩克和碩達爾罕親王那木濟勒色楞呈稱郭爾羅斯前旗頭等台吉達木林旺濟勒誠心効忠有功民國請予獎叙等語該台吉傾心內嚮勸導共和實屬深明大義應加封輔國公銜以資激勸此令

代理國務總理孫寶琦呈據蒙藏事務局核覆察哈爾都統擬以希爾巴多爾濟孟克鄂奇爾補商都牧羣護軍校請予准補等語應照准此令

中華民國三年四月二十二日

謹按

中央政府命令本報係照京電號碼譯登間或電碼有誤關係甚大應俟政府公報寄到隨時查對更正

都督兼民政長指令

令湘鄉縣知事

實業司案呈案據該知事早復王課亭等呈控王松年即王大齡盜賣強開一案糾葛情形請核示等情據此查此案鑛產既據該知事查係王姓晶鼎昊三房公管曾經立有禁約王松年等輒敢違禁私挖私賣致啟爭端殊屬不合應准如呈勒令封禁以杜訟蔓合行令飭爲此令仰該知事即便遵照辦理此令

湖南民

政長印

中華民國三年四月十八日

都督兼民政長指令

令保郵事業管理局

內務司案呈據該局呈覆各慈善機關半屬私資組合未便代爲籌畫並粘呈各堂局簡明案由及現在實情清單一紙請核飭祇遵等情據此查省城各慈善堂局原隸屬於該局管理支配之下所有一切事宜該局應負完全監督稽核之責既經本公署迭飭歸併自應將各該堂局內容攷察明白何項機關應行歸併何項人員應行裁減何項開支應行仍照舊章逐一詳晰列表附以說明妥速呈費方合辦法乃此次來呈僅據各該堂局原呈照轉該局長不措一

詞一若置身事外者未免放棄責任且各機關多係公家津貼應受公家制裁即組合全屬私資亦應歸該局監督庶於慈善事業較爲整理合再令飭令到該局長即便遵照趕將各該堂局內容覆加審查列表說明酌量支配俾該局所轄各堂局不至有畸輕畸重之弊再此案前據各善堂院局董事具呈到署業經本公署批飭逕赴該局商同辦理在案合併飭知粘件存此令

湖南民
政長印

中華民國三年四月十八日

都督兼民政長訓令

令公立蠶業講習所

實業司案呈據女子蠶業講習所函稱今歲養蠶所需桑葉計在百石以上請飭培桑局按時撥給免繳價值等情前來除指令准免繳價並飭開具需桑量數及日期函由該所轉報查攷外合行令仰該所即便遵照仍將所出桑葉數目若干分別呈報備查此令

湖南民
政長印

中華民國三年四月十八日

都督兼民政長指令

令永興縣知事

教育司案呈據該知事早覆遵令張貼布告並抄資該縣教育會議定取締私塾促辦小學規章一合請察核等情來署查該知事維持學務尙屬認真允堪嘉許務須繼續實行毋稍疏懈至於私塾辦法在小學未盡推廣之時應遵照部令暫視爲校外教育之一加意改良本署業經訂定取締私塾規程另令公布在案該知事奉到該項規程時應亟體察地方學務情形另擬細則以便推行而免抵觸合行令仰該知事即便遵照辦理此令

湖南民
政長印

中華民國三年四月十八日

都督兼民政長指令

令衡陽縣知事

教育司案呈據該知事呈明該縣女子師範學校賡續辦理緣由并粘呈該校校長余賀榮履歷一紙請察核各情查該校開辦之初因無預科合格學生故定預科修業年限爲二年採用高等小學校學科課程變通教授辦法本屬不合此次該校賡續辦理自應遵照部章預科修業年限定爲一年而該校學生等從前肄習高等小學課程尙只數月寔不得視爲預科學生

自不應准其接續上課應就原有學生嚴加甄別取其學力與高等小學畢業同等者辦高等小學補習科一班以為升入師範學校預科之預備程度較低者辦高等小學一班劣者則悉予淘汰不足則慎行招補至該校從前辦法及所呈簡章諸多未當未經轉呈 教育部核准立案應即查照師範學校令施行細則第三十八條開具事項實候轉呈 教育部核准再行遵照部定秋季始業期限辦理所請委任余賀瑩為該縣縣立女子師範學校校長一節暫毋庸議合行令仰該知事即便遵照此令

湖南民
政長印

中華民國三年四月十八日

都督兼民政長指令

令南路鑛山監督署長

實業司案呈案據該署長呈復查明五金鑛業公司黃篤謐實無私借口債及黃興附股等情並鈔呈切結及合同章程到署據此查此案既經該署長親詣該公司調閱賬簿及鑛師合同收股存根尚無私借口債及黃興附股情弊并據常甯縣知事同時呈復到署情節均屬相符業據取具王旭東謝峙甘結准其銷案除指令該知事知照外合行令仰該署長即便遵照此令

湖南民
政長印

中華民國三年四月十八日

都督兼民政長指令

令瀘溪縣知事

實業司案呈據該知事早籌設女工紡織傳習所并擬訂簡章資請察核等情該縣婦女鮮知紡織該知事倡設女工紡織傳習所以擴張女子之生活技能辦法甚是察核簡章均屬可行教師四人女徒八十人薪俸原料亦屬不少需用各項全年恐不止千串現當開辦之始應從簡單入手以漸躋於擴充庶免中途竭蹶之虞而收循序漸進之效合行令飭該知事即便遵照仍將辦理情形隨時呈報備查此令

湖南民
政長印

中華民國三年四月十九日

都督兼民政長指令

令衡陽縣知事

實業司案呈據該知事早復取消南路實業工藝局並呈繳該局鈐記到署查該局以營業機

關對於官署擅發照會殊屬不合姑念自願取銷且查無別項情事准予從寬免究除將鈐記核銷外合行令仰該知事即便查照此令

湖南民政長印

中華民國三年四月十八日

都督兼民政長訓令

令沅江縣知事

內務司案呈查沅江漢壽兩縣互爭白駝寺地方一案前經令飭該沅江知事會同該漢壽知事前往復勘明確會銜具復以憑核辦乃事逾兩月尙未據呈復到署殊屬玩延茲據漢壽縣民劉

鉞欽等呈稱界明証確懇飭遵辦以杜戀佔而弭巨禍等情除批示並分行該漢壽縣外合亟抄發原呈令仰該知事仍遵前令會同該漢壽縣知事秉公查勘會銜呈復以憑核辦飭遵毋得稍涉

偏私釀成巨禍致干咎戾切切此令

湖南民政長印

中華民國三年四月十九日

都督兼民政長指令

令道江華縣知事

實業司案呈據該知事會同呈報取消江道木捐局日期等情均悉仍仰迅遵前令將該局收支款項會同逐一清釐辦結具報除指令道江華縣知事外合行令仰該知事即便遵照此令

湖南民政長印

中華民國三年四月十九日

都督兼民政長訓令

令前清釐裁併土木工程局委員周恩爵

內務司案呈查土木工程局裁併原以去年十二月底爲限該委員奉令清釐應如何仰體公家節儉經費之意認真辦理早爲結束乃漫不經心故意延宕迨本公署令委商埠工程上局接管猶復無心交代嗣經本公署函催據該上局呈復已於二月二十八日接收完竣當即一面令行該上局妥爲保管一面令飭該員立即銷差在案而該員尙欲藉補造表冊之事再瀆請三月分薪水查此項表冊原因該員前此漏造所致詎能以國家有用之款酬該員補過之勞所請斷難照准再查購買瑞生洋行之背動起重機原係去年十二月轉運到湘該委員職司清盤自應妥爲保管乃當時並不運置高亢地點竟任其露置靈官渡河邊以保管官物者而損壞官物尤屬異常玩忽現該洋行工卸業已來湘急須裝配據商埠上局呈稱該項機件

淹沒水中甚深頗難起出除令行該上局趕緊設法起出以資裝配外其工價即責令該員擔任倘因此一時不能起出裝配將來該機如有損壞欠缺等事應一併責成該員賠償以爲辦公不力者戒合亟令仰該員即便遵照勿得稍有違抗致干重究切切此令

湖南民
政長印

中華民國三年四月十八日

都督兼民政長指令

令湘鄉公立連璧高等小學校校長鄧磅歐

教育司案呈據該校長呈明該校開缺學生劉鑑等猖獗情形請核示辦法各情查該校學生劉鑑等反對補行學年試驗不服記過竟敢搗毀牌示開會演說該校長將其按名開除本屬咎有應得乃該生等不自悔艾戀不出校倡率多生勒退膳費大肆猖獗殊屬胆大妄爲仰候令行湘鄉縣知事迅飭小隊勒令出校並追繳該生等在學用費其餘附從各生仍應按照情節重輕分別開缺記過以示懲儆而正學風切切此令

湖南民
政長印

中華民國三年四月二十日

都督兼民政長指令

令湘鄉縣知事

內務教育司案呈據該知事呈覆遵辦學務情形一案并附賣學務委員學董辦事細則暨調查廟產條件前來查該知事對於該縣教育認真維持殊堪嘉許查閱細則尙屬可行惟本署現在業經訂定城鎮鄉學董暫行規程公布在案應仍依據該項規程增修呈核如果悉臻妥善即可通飭各縣仿照辦理至所擬調查廟產條件頗覺周詳惟證據務求其確判斷務得其平庶糾葛自解而固有之校址學款亦不至易於動搖合行令仰該知事即便遵照此令

湖南民
政長印

中華民國三年四月二十一日

都督兼民政長指令

令湘鄉縣知事

實業司案呈案據該知事呈覆查勘天心塘等處鑛山情形并資呈圖表到署據此查天心塘等處鑛產既經該知事委勘并無妨礙糾葛應准照章試辦惟查該鑛地平方每邊九百三十一官尺照章應折合九鑛界茲核閱賣呈表冊僅折合三鑛界殊屬錯誤除由本署查照更正外合行令仰該知事轉飭該商等將租約呈驗編號蓋印遵備勘照費銀二十五兩來署領取

繳費憑單持赴國稅廳籌備處如數繳訖掣呈收條驗明以憑填給勸鑛執照此令

湖南民
政長印

中華民國三年四月二十一日

都督兼民政長指令

令寶慶縣知事

實業司案呈據該知事呈據該縣商務分會總理左秉剛呈據鐵業李成章等呈稱商會經費無着擬請按貨輸捐共維公益等情據此查商會舊章第二十一款經費入款原指定三項此外不得別立名目再收浮費茲據前情如果該會董等熱心公益自可量力輸捐但不能垂爲定案致滋流弊所請按貨抽捐一節應不准行爲此令仰該知事即便轉飭遵照此令

湖南民
政長印

中華民國三年四月二十一日

公電

中央來電

籌備約法會議事務處致各省都督民政長電

各省都督民政長各辦事長官各將軍都統各使均鑒查約法會議關係國家根本大計至爲重要自組織條例及議員選舉程序施行細則公布以來本處當即尅期成立并奉內務總長督飭處內人員將議員選舉程序施行細則第二條所規定各事項極力進行夙夜兢兢罔敢稍懈設處之日卽經通行各選舉會選舉監督將議員選舉事宜安速舉辦遇有選舉程序上或條文上之疑義應卽隨時聲請本處解釋并經本處將關於選舉程序一切詳細節目及投票紙投票匭投票簿選舉人名冊被選舉人名冊選舉錄等定式釐定頒行自是以來各處之以選舉程序上及條文上之疑義聲請本處解釋者文電紛馳均經本處昕夕趕辦立予核覆并通行各選舉會選舉監督查照辦理俾免紛歧仍復迭次行催各選舉會選舉監督將合格之選舉人及被選舉人迅速分別認定報查以期早日蒞事旋由各選舉會選舉監督先後將調查認定合格之選舉人及被選舉人報告到處均經本處呈請內務總長覆核依照約法會議選舉會選舉日期令之規定核准選舉日期行知照辦各選舉會遂各如期舉行選舉時屆三月各選舉會當選人均已陸續選出由各選舉監督報告到處其京師選舉會選舉事宜則由本處先期陳明選舉監督內務總長卽以京師內外城各警察區署署長充任調查員依照

條例妥速調查經行知京師警察廳轉飭去後旋據分別調查完竣報由京師警察廳造冊送處呈經選舉監督內務總長將合格之選舉人及被選舉人分別認定宣示周知三月三日選舉監督內務總長親蒞選舉場所督同執事各員舉行選舉即日將當選人如額選出截至是日止約法會議各選舉會選舉事宜均已先後如期辦理完畢除浙江廣東雲南等省選舉會應各行另選一人經本處分行各該選舉會選舉監督照辦外其餘各選舉會當選人共計五十七人經本處彙造總名冊轉送約法會議議員資格審定會審定一面由本處依照約法會議議員資格審定會組織令第八條之規定將約法會議議員資格審定會開會事宜及一切庶務妥爲準備三月九日約法會議議員資格審定會成立即於是日開始審查至十三日審查終結共計審查得京師等選舉會當選人鄧鎔等五十七人其議員資格均與組織條例規定相符經全體會員決定認爲合格議員簽發議員証書五十七紙函交本處分別轉發並將審定情形即日呈報 大總統鑒核三月十四日奉 大總統令所有約法會議各議員均着於本年三月十六日以前齊集京師並定於三月十八日舉行約法會議開會式等因十七日經本處調查約法會議議員已赴召集者共有四十四人當由本處招請約法會議各議員及約法會議秘書長協商約法會議開會禮節並將議員証書按人照發十八日遂遵照 大總統令如期舉行約法會議開會式由本處及約法會議秘書廳人員妥慎將事即日禮成旋准浙江廣東雲南等省選舉會選舉監督先後將各該選舉會補選之當選人報告到處復經本

處彙造名冊送請約法會議議員資格審定會審定三日二十五日約法會議議員資格審定會繼續開會審定得浙江等省選舉會補選當選人邵章等三人均屬合格簽發議員證書三紙仍由本處分別轉發於是約法會議額定議員六十人均已選足現在各省應造名冊等項業已先後據報處則本處籌備事務亦已告成竊維約法會議爲特設之造法機關成立期限固不容稍事遲延選舉規程尤未敢略涉簡率茲乃不及兩月一律完成全國士民同深歡忭本處承奉內務總長之命職司籌備幸免隕越亦卽處會光榮所有本處籌備約法會議事務經過情形除呈由內務總長轉呈 大總統鑒核外合卽通電查照此達籌備約法會議事務處馬印

湖南政報 公電

四月二十五號

公文

都督兼民政長呈 內務部文

爲呈覆事內務司案呈奉 大部令開准國務院交署四川民政長陳廷傑呈請優卹前清故紳劉光第楊銳并請分令湖南等省將譚嗣同等事實清冊造具報部一併表揚呈一件三年一月二十九日奉 大總統批據呈已悉立國大經首培元氣式廬封墓自昔爲然所呈四川前清故紳楊銳劉光第事實清冊詳加披閱慨慕良深自應特闡幽光用彰先烈交內務部從優獎卹以昭激勸並由該部分令湖南福建山西廣東各省民政長迅卽造具譚嗣同林旭楊深秀康廣仁各事實清冊並予矜恤用示崇德報功之意此批等因奉此由院鈔交到部爲此令行該省民政長迅將故紳譚嗣同等事實造冊報部彙齊議卹等因奉此仰見 大總統追卹前列激勸來者之至意莫名欽佩查譚故紳嗣同原籍瀏陽比卽令飭該縣知事楊啓勛查明該故紳事實造冊呈報以憑核轉去後茲據該知事呈稱遵卽飭據胡紳增輝黃紳孝聞羅紳希夷宋紳闔炎任紳圭璋等將該故紳事實查明造具清冊呈請轉賈請卹前來知事查譚故紳名嗣同字復生別號壯飛瀏陽人曾祖經義祖學琴兼祧祖學新儒行碩德鄉黨宗敬之父繼河前清進士歷官至湖北巡撫著湖廣總督政聲卓著世有重光該故紳其第三子也少儻有大志博學強識性孝友能文章見義勇爲雄武有俠氣十一齡遭母喪哀慟孺慕有逾成人年十二遭癘死三日復蘇神氣湛然智慧益增識者目爲異才弱冠從軍西域新撫劉錦

棠奇其才薦於朝以同知分發浙江補用該故紳兄弟三人皆博學多能有稱於時伯嗣貽早喪仲嗣襄以知州需次臺灣爲當道推重未幾遽殞該故紳時應京兆試聞喪悲慟申旦不寐卽罷試南返扶櫬首邱光緒辛卯該故紳父左足患疽數瀕於危故紳口吮其毒卽愈其天性過人類如此該故紳自遭家多難感人事之靡恆迺澹經求肆力於學博覽精研目不窺園者數年於是志量益宏學業益修而名益顯矣甲午戰後該故紳睹外患日迫時事寢非深懷剝床及膚亡國亡種之懼以知府改官江蘇思得當以報國往來上海與諸志士提倡新學奔走呼號不憚以先覺爲己任會義甯陳寶箴撫湖南以開化湖南爲天下倡聞該故紳名敦促回湖贊助一切新政於是開南學會保衛局及時務學堂網羅人材極一時選湖南全省風氣之開該故紳擘畫爲多戊戌六月以侍郎李端棻學士徐致靖湘撫陳寶箴交章論薦被徵入都召對稱旨賞四品卿銜軍機章京上行走參預新政事宜時同值者爲劉光第楊銳林旭號四卿如四相焉乃未及旬黨禍猝發以八月十三日成仁於京師春秋三十有四就義之日神色慷慨方其被逮也日本志士多人力勸東遊不聽再四強之該故紳曰各國變法無不從流血而成吾中國數千年來未聞有因變法而流血者此國之所以不昌也有之請自嗣同始卒不去遂及於難其視死如歸如此該故紳於學無所不窺而以日新爲宗旨不沾滯於一端少時曾爲攷据辭章三十以後悉去壹意於泰西天算格致政治歷史有用之學自彙三十以前詩文若干卷付之剗斲顏曰舊學四種示不復也又究心宗教於孔佛耶三家精意奧義無不深

窺體悟豁然貫通官江蘇時日夜冥搜三家之書著仁學二卷其學術宗旨大端皆見於此其
外尚有興算學議一卷瀏陽譚氏譜四卷壯飛樓治事十篇秋雨年華館叢脞書四卷劍經衍
葛一卷印錄一卷政論數十篇師友論學論事書數篇稿皆散佚於京師存於家者僅十之一
二而已妻長沙李氏前清進士安徽安廬淞和道壽蓉之次女子一傳釋殤以仲兄嗣襄子傳
焯兼祧焉邇者遭逢明盛特闡幽光發歷史之榮輝誦遺芬於未墜銘諸景鐘垂於竹帛異數
優隆蓋千載一時矣既據胡紳等查明事實呈覆到縣知事覆核無異理合呈請鈞署俯賜察
核轉請從優卹獎以昭崇報而彰先烈實爲德便等情據此查該故紳系出貴胄少負才名弱
冠從戎建勛績於關隴湘楚參政開風氣於梓邦本已饑已溺之懷具先覺先知之量既而大
吏既交相推薦清廷嘉許其謨猷未幾浮雲蔽空明星忽殞遂與劉故紳光第等同日就義追
維往事極爲可慘其生平著述所存遺稿政策現在多可採用誠與劉故紳光第等功德並隆
雲霄萬古應邀 大總統特予旌卹用光幽潛既據該知事呈賡事績清冊前來理合具文并
檢同清冊呈乞 大部察核議卹指令遵照此呈

內務總長

中華民國三年四月二十日

都督兼民政長呈 內務部文

爲呈請事內務司案呈據長沙縣知事陳繼良呈稱准湖南救濟貧民工藝廠總理顧永鑑緘

開案照敝廠前准湘路股款清理處幹事陳文瑋緘稱敝幹事前在湘路公司總理任內與董事會議定將鐵路發錢處紙幣餘利項下銀五千兩並將所得鐵路電燈公司商錢局薪水夫馬共積銀一千兩繳完征庫餉精現查庫事解決軍未出發餉精無用緘商內務財政兩司並緘知敝廠將前款撥助貧民工藝廠充作經費昨已由廠如數領訖具報在案敝廠經費支絀異常正苦無款籌撥之時猝然得此巨款捐助其有裨有工廠貧民實非淺鮮除所撥征庫餉精銀五千兩雖出自湘路董事會各同人公意實由陳文瑋一人所提倡自未便概請獎勵外查氏國現定褒揚條例內載第一條有左列行誼之一者得受本條例之褒揚其三款特著義行可稱揚者六款創興公益事業或捐助財產千元以上公益事業者又第二條合於前條所定各款之一者不論已故現存其子孫親族鄰里均得具呈事狀於縣知事請其確攷行實呈請褒揚各等語今陳文瑋因稔知湘省所設貧民工藝廠辦理竭蹶需款孔殷慨然以其所得薪水夫馬等銀一千兩又倡議於紙幣餘利項下提銀五千兩悉數捐充俾公益事業賴以繼續振興實屬義行可風核與褒揚條例第三第六兩款所載均屬相符在陳文瑋素以慈善爲懷原無希圖旌獎之意而在敝廠獲茲鉅款究未便沒其急公好善之忱用特臚陳事狀緘請確切攷查行實轉呈行政公署復加查核達 部准照現定條例呈請 大總統給予褒揚庶此後坐擁厚貲咸知聞風興起而凡屬贊襄善舉卽不致湮沒無聞矣等因准此知事查緘內所叙陳文瑋捐款行實尙與褒揚條例相符理合呈懇轉請褒揚以示鼓勵等情前來本公署

復核無異理合據情呈報 鈞部俯賜核轉請予褒揚實爲公便謹呈

內務總長

中華民國三年四月二十日

都督兼民政長致國稅廳籌備處公函

逕啟者財政司案呈奉 財政部訓令開查前清各省徵收錢糧多不足額光緒中葉實徵之數僅及七成逮至季年因洋賠攤款日益增加各省每於正賦之外附加若干以爲挹注而於正額仍復多虧民國成立以後各省徵收情形雖有變更究多由舊乃本部據各省國稅廳所呈月報核與前清收數短絀更多際此國計極艱正額正供豈容再缺爲此通令各省民政長迅將該省應徵田賦查照前清舊額及向來完足成數切實考核其向完十成而現在徵不足額者責令該縣速籌復額其向完不及十成者責令該縣於本年內照舊收成數之外多收一二成以能設法徵至足額爲止此僅於正額內取盈並非於舊章外多索今日人民均知愛國但使官吏實心勸督亦決不至有意抗違惟欲課事功端資賞罰前清考核錢糧功過之法已經廢棄各省報部所定考成之法亦復參差當由本部參酌新舊法規擬定畫一章程另行頒布但現在關於此案有兩條辦法必須相輔而行一則將各縣民國二年實徵之數與宣統二年實徵之數及前清額徵之數比較盈絀若何逐縣列一簡表限一月內報部一則計算徵收官吏之考成應將每縣本年額徵田賦之數按上下忙開徵之日起至停徵日止計日勻攤核

算使官吏在任一日卽有一日之考成再輔之以計分數計銀數之法庶更周密至功過如何規定除已有定章省分暫行仍舊外其餘各省亦先自定一暫行章程以資考核并報部備案此皆因財政困難至今已極新稅既尙待推行外債亦無從再借如不將舊有大宗欸項切實清釐更何恃以立國各民政長本與中央同其休戚必能善體此意妥事施行卽將遵辦情形迅速報部并嚴飭所屬各縣勿得因辦理此事藉端滋擾致受重懲是爲至要等因奉此自應遵照辦理惟查湘省自改革以來各縣征收官吏有無明定考成之法已未報部做署無案可稽相應函請貴處察核主稿安定暫行章程并造具簡表會同呈報併轉飭各縣遵照辦理實
級公誼此致

湖南國稅廳籌備處

中華民國三年四月十八日

呈批

都督兼民政長批

批祁陽黃國棟等呈請令飭該縣將自治會撥用之教育金如數劃還由

據呈請令飭祁陽縣知事將自治會撥用之教育金如數劃還充中學校常年基本金各情查 部令學務經費具有成案經自治會挪用者一律劃歸學務等因自應遵照辦理惟該縣所收屠捐庵捐各款當日是否指定爲該縣中學校經費又自治會借用之教育基本金原係該縣中學校基本金抑係全縣教育基本金均未據呈叙明白雖按之部章此款當然劃歸學務究竟應否充作該縣中學校經費本公署無從懸揣仰候令行祁陽縣知事查明辦理再來呈蓋用祁陽教育分會鈐記該具呈人等是否該會會長未據呈報有案來呈亦未聲明殊屬不合又該會仍沿舊稱核與部章不符應改名縣教育會合併飭知此批

批民人楊文貴呈爲寄託難移懇恩央緩由

呈悉出業人仍租原業弊混極多前經出示勒限清莊在案茲據稱所存棺柩刻難遷移一節姑准從寬限三個月內一律遷出交莊除令行警察廳出示佈告各該柩主務於限內一律遷移外着該民一面知會各該柩主趕即遷出毋再延緩干咎此批

批常德戴湘誠趙澤南等呈爲害鉅情迫繪圖指撥由

據呈該縣西官堤已經築至城根惟東官堤由馬家吉至楊家碼頭內有三百餘弓缺口未能修築若遇潰決關係甚鉅等情業經委員前往勘驗至農業銀行存款以之買穀防賑不如移修堤工較為得要候飭常德縣知事會同委員一併查明呈覆核辦此批

官書報局廣告

啟者本局開辦已近兩月印刷一課早經成立所有機器鉛字等項極為完備所用紙張均係上選材料價格格外從廉印出各品亦甚精工嗣後如各機關有應行排印之件請逕向本局經理處接洽為幸

其二

啟者前奉 都督兼民政長令將湖南政報教育公報實業雜誌講演團白話報歸併本局編輯處辦理現擬廣續出版并先辦軍事通俗報民事通俗報兩種內容力求完美凡願購閱諸君請逕至文運街本局總發行所面訂可也

其三

啟者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特為標出各界諸君購閱請逕向文運街本局總發行所面訂可也計開書目如左

國語教授法	算術教授法	手工教授法	圖畫教授法
-------	-------	-------	-------

以上四種日本田中廣吉著南州熊崇煦譯

合購洋一元一角四分正

洋四角八分	洋二角八分	洋一角九分	洋一角九分
-------	-------	-------	-------

初等小學讀本
 初等小學讀本教案
 初等小學讀本
 初等小學讀本教案
 初等小學修身書
 初等小學修身教案
 初等小學修身書
 初等小學修身教案
 初等小學修身書第一卷掛圖十二張
 初等小學算術教案
 小學各科實際教授法
 手工教科書
 少儀教科書
 兒童教授法
 兒童自力研究之啓導法
 兒童個性之研究
 新教育學

第一卷
 第一卷
 第二卷
 第二卷
 第一卷
 第一卷
 第二卷
 第二卷
 第一卷
 第一卷
 第一卷
 第一卷

英國博克爾氏著
 江蘇謝慧叔譯
 日本相島龜三郎著
 湘潭胡邁譯
 英國耳哈博士著
 南昌羅黑子譯
 英國麥加利博士著
 南昌羅黑子譯
 日本大川義行著
 長沙楊樹遠譯
 日本大瀨甚太郎著
 長沙黃獨譯

特裝一冊
 特裝二冊
 常裝
 特裝
 印刷中
 印刷中

洋五角
 洋二元
 洋二元
 洋二元
 洋一元四角
 洋一元
 洋三元
 洋三元
 洋六角
 洋二元
 洋一元五角
 洋六角七分
 洋四角
 洋二角
 洋四角